

Zeitschrift: Igl Ischi : organ della Romania (Societat de Students Romontschs)
Band: 64 (1979)
Heft: 12

Vorwort: Remarcas redacziunalas

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 22.11.2024

ETH-Bibliothek Zürich, E-Periodica, <https://www.e-periodica.ch>

Remarcas redacziunalas

Dr. Ursicin G. G. Derungs, ch'instruescha dapresent alla Scola svizra da Milaun, ha scret per quest Ischi semestril in rapport da fiasta interessant e nunusitau. *Hendri Spescha*, ussa redactor tier la Televisiun romontscha, contribuescha cun *Tschun viarvs*, in ciclus da poesias che han en mira igl onn internaziunal digl affon. *Dr. Iso Camartin* ha referiu enteifer la Romania davart sias experientschas egl jester e sia relaziun cun la patria romontscha. Bugen publichein nus quellas interessantas ponderaziuns egl Ischi semestril. *Dr. Bernard Cathomas* tacca cun siu artechel sur dalla libertad da pressa in tema brisant. Sco basa per quei artechel ha in referat surviu, ch'igl autur ha salvau el ravugl dil Club sursilvan dils Lions a Flem. Conredactor *Richard Cavigelli* ha fatg ina intervesta cun sur *Felici Riedi*, Uors e scolast secundar *Rest Cundrau Demont*, Vella sur dalla sco-laziun dils geniturs en Lumnezia. Quella interpresa po esser muossavia per autras regiuns. *Lic. fil. Adolf Collenberg* presenta sias reflexiuns davart *Il historiograf e siu dilemma: Objectividad e partischontadad*. Adolf Collenberg lavura ual vid ina dissertaziun da tempra historica e sa aschia sefundar sin atgna experienza. *Dr. Paul Fravi*, Turitg, giurist e historiograf, ha empriu romontsch. Sia lavur ei dedicada allas minieras da Punteglias sur Trun e las difficultads che quellas han caschunau alla vischnaunca ed al pader Placi Spescha. Pader *dr. Ambros Widmer* sefatschenta puspei ina gada cun siu tema preferiu, la Val Medel. Quella gada stattan las cartas da pader Placi Spescha el center. *Norbert Berther* ha redigiù ina gada dapli la cronica e la gliesta da litteratura sursilvana.

Cun quei numer introducìn nus ina pintga midada pertuccont la cumparsa exteriura digl Ischi semestril. Las cuviartas digl Ischi semestril che cumpara igl empren semester e quellas da quel dil secund semester vegnan naven dad ussa a sedifferenziar in stel puncto colur. Leutier vegnin nus pil futur a schar stampar sil dies da mintga ediziun digl Ischi semestril il numer current.

